

## ***4EP\_LG: Transcripción comprensión oral***

Audio: *Símbolos e lendas do Camiño*

**Ola, bo día! Dámosche a benvinda ás avaliacións de diagnóstico. Durante estes dous días vas realizar catro probas diferentes: a primeira é a de Lingua Galega e Literatura. Para comezar, vas escoitar un texto e responder unhas preguntas. Escoitarás o audio DÚAS veces. Un sinal sonoro [Piiiiii] guiarate durante esta actividade. Pon moita atención e faino o mellor que poidas.**

**Garda silencio, por favor. Empezamos.**

**Abre o teu caderno polas páxinas 4 e 5. Aproveita para ler o enunciado das preguntas no seguinte minuto e medio.**

[Esperar 90 segundos]

**Agora escoita atentamente. É importante que escoites sen responder as preguntas ao mesmo tempo, así a comprensión será mellor. Cando o audio remate, terás tempo para ir contestando.**

[Audio *Símbolos e lendas do Camiño*]

Facer o Camiño de Santiago é unha experiencia que non se esquece xamais. E non o digo eu, eh! Dino as peregrinas e peregrinos que chegan a Compostela coas pernas cansas, pero co móbil cheo de fotos para o recordo! E non é para menos: paisaxes marabillosas, lugares curiosos, moitas aventuras e novos amigos. Todo iso atoparédelo na vosa camiñada. Por iso quen proba repite seguro!

E vós, que me dicides? Animádesvos a coñecer comigo algunhas das curiosidades do Camiño? Veña!

Primeira lección: pola mañá, pola tarde, cando paredes para xantar, á noite... o saúdo será sempre o mesmo: bo Camiño! E iso mesmo é o que debes contestar: bo Camiño! Fácil, non? Pois veña, seguimos!

Cando botamos a andar, estas frechas amarelas vanse converter nas nosas mellores amigas porque van axudar a que non nos desviemos do noso traxecto. Son, sen dúbida, un dos símbolos máis identificadores do Camiño.

Outro dos emblemas que máis atopamos no noso percorrido é a cuncha de vieira, o recordo que todo peregrino ou visitante de Compostela leva para a casa. Ao longo do noso traxecto, podemos vela esculpida en moitas igrexas e monumentos, e a parte máis aberta da cuncha indícanos a dirección que debemos tomar para non perdérmonos. Ollo! Excepto en Asturias, que non me digades por que... pero a cousa vai ao revés! Aínda hoxe é un elemento que nos gusta levar ás persoas que facemos o Camiño porque nos identifica como peregrinos e peregrinas.

Ao comezo vestíanse roupas comúns, pero pouco a pouco a indumentaria foi derivando nunha capa, unha esclavina de coiro que protexía do frío e da choiva, un sombreiro redondo de aba ancha e un bordón altísimo do que penduraba unha cabaza que servía tamén como cantimplora. Agora tiramos máis pola comodidade, mais a vestimenta típica do peregrino continúa a ser emblemática.

Unha vez chegamos a Santiago, o momento máis agardado é ver a catedral. Presidindo o casco vello, sitúase na fermosa Praza do Obradoiro, onde podemos observala en todo o seu esplendor.

E se de tanto esperar vos colle a noite en Compostela, preparádevos para outro momentazo! Case parece que entramos nunha peli de misterio, non si? E é que Santiago está cheo deles. Dise que dos muros da Quintana emerxe cada noite a figura dun peregrino. Si, si, o que escoitades! Pero é bo tipo, non vos ten que dar medo. Conta a lenda que era un clérigo da catedral, que namorara dunha das monxas de San Paio de Antealtares. Quedaran en escapar de madrugada, facéndose pasar por peregrinos, pero polo visto... segue esperando por ela. Cando amence, o noso amigo desaparece e, coas primeiras raiolas de luz, podemos dispoñernos a seguir coñecendo os misterios, costumes e a cultura ou gastronomía galegas e compostelás, destacadas en todo o mundo.

Agardo que vos parecese interesante coñecer canda min todas estas curiosidades do Camiño. Aínda hai moitísimas no tinteiro. Así que xa sabedes: só tedes que animarvos a vivir a experiencia para descubrilas.

*Xacobeo Miudiño. Víveo. Seispés Producións Creativas. (bit.ly/48xgSEF)*

**Agora podes empezar a contestar. Tes DOUS minutos. Se non sabes algunha resposta, non te preocupes. Nun anaquiño volverás escoitar a audición e terás máis tempo para afinar as respostas.**

[Esperar 2 minutos]

**Escoita o texto por segunda vez.**

[2ª volta: audio *Símbolos e lendas do Camiño*]

Facer o Camiño de Santiago é unha experiencia que non se esquece xamais. E non o digo eu, eh! Dino as peregrinas e peregrinos que chegan a Compostela coas pernas cansas, pero co móbil cheo de fotos para o recordo! E non é para menos: paisaxes marabillosas, lugariños curiosos, moitas aventuras e novos amigos. Todo iso atoparédelo na vosa camiñada. Por iso quen proba repite seguro!

E vós, que me dicides? Animádesvos a coñecer comigo algunhas das curiosidades do Camiño? Veña!

Primeira lección: pola mañá, pola tarde, cando paredes para xantar, á noitiña... o saúdo será sempre o mesmo: bo Camiño! E iso mesmo é o que debedes contestar: bo Camiño! Fácil, non? Pois veña, seguimos!

Cando botamos a andar, estas frechas amarelas vanse converter nas nosas mellores amigas porque van axudar a que non nos desviemos do noso traxecto. Son, sen dúbida, un dos símbolos máis identificadores do Camiño.

Outro dos emblemas que máis atopamos no noso percorrido é a cuncha de vieira, o recordo que todo peregrino ou visitante de Compostela leva para a casa. Ao longo do noso traxecto, podemos vela esculpida en moitas igrexas e monumentos, e a

parte máis aberta da cuncha indícanos a dirección que debemos tomar para non perdérmonos. Ollo! Excepto en Asturias, que non me digades por que... pero a cousa vai ao revés! Aínda hoxe é un elemento que nos gusta levar ás persoas que facemos o Camiño porque nos identifica como peregrinos e peregrinas.

Ao comezo vestíanse roupas comúns, pero pouco a pouco a indumentaria foi derivando nunha capa, unha esclavina de coiro que protexía do frío e da choiva, un sombreiro redondo de aba ancha e un bordón altísimo do que penduraba unha cabaza que servía tamén como cantimplora. Agora tiramos máis pola comodidade, mais a vestimenta típica do peregrino continúa a ser emblemática.

Unha vez chegamos a Santiago, o momento máis agardado é ver a catedral. Presidindo o casco vello, sitúase na fermosa Praza do Obradoiro, onde podemos observala en todo o seu esplendor.

E se de tanto esperar vos colle a noite en Compostela, preparádevos para outro momentazo! Case parece que entramos nunha peli de misterio, non si? E é que Santiago está cheo deles. Dise que dos muros da Quintana emerxe cada noite a figura dun peregrino. Si, si, o que escoitades! Pero é bo tipo, non vos ten que dar medo. Conta a lenda que era un clérigo da catedral, que namorara dunha das monxas de San Paio de Antealtares. Quedaran en escapar de madrugada, facéndose pasar por peregrinos, pero polo visto... segue esperando por ela. Cando amence, o noso amigo desaparece e, coas primeiras raiolas de luz, podemos dispoñernos a seguir coñecendo os misterios, costumes e a cultura ou gastronomía galegas e compostelás, destacadas en todo o mundo.

Agardo que vos parecese interesante coñecer canda min todas estas curiosidades do Camiño. Aínda hai moitísimas no tinteiro. Así que xa sabedes: só tedes que animarvos a vivir a experiencia para descubrilas.

*Xacobeo Miudiño. Víneo. Seispés Producións Creativas. (bit.ly/48xgSEF)*

**Por último, tes TRES minutos para acabar de contestar e revisar as túas respostas.**

[Esperar 3 minutos]

**Rematou a primeira tarefa! A partir deste momento, podes pasar a páxina e continuar co resto das actividades ao teu ritmo. Vamos!**